

UGOVOR

O formiranju namjenske revolving kreditne linije

UGOVORNE STRANE:

1. **OPĆINA JABLANICA**, koju zastupa Općinski načelnik Salem Dedić, dipl.ecc., kao Naručilac usluga - komitent (u daljem tekstu: Komitent) i
2. **VAKUFСКА BANKA D.D. SARAJEVO, POSLOVNICA JABLANICA** koju zastupa direktor Jusuf Budim ,dipl.ecc., kao Isporučilac usluga – banka (u daljem tekstu: Banka)

Član 1.

Ugovorne strane sklapaju ovaj ugovor na osnovu otvorenog postupka javne nabavke broj 1/14, objavljenog u «Službenom glasniku BiH» broj: 16 od 03.03.2014. godine, Odluke o odabiru najpovoljnijeg ponuđača broj: 01-16-418-3/14 od 01.04.2014. godine, Zapisnika Komisije za evaluaciju ponuda od 01.04.2014. godine, te prihvaćene ponude najpovoljnijeg ponuđača od 27.03.2014. godine.

Član 2.

Sredstva iz člana 1.će se koristiti za kreditiranje malog i srednjeg biznisa na području Općine Jablanica sa izuzetkom trgovine, ugostiteljstva i posredničkih usluga.

U svim projektima će se stimulirati izvoz i/ili otvaranje novih radnih mjesta i uopšte sigurnije zapošljavanje na području Općine Jablanica, a u skladu sa odredbama ovog Ugovora, Odlukom Odbora za sredstva i plasmane Banke od 17.05.2006. godine definisanim Politikama Banke iz oblasti kreditiranja i odlukama Agencije za bankarstvo FBA.

Član 3.

Osnovni uslovi pod kojim će se odobravati krediti iz sredstava iz ovog Ugovora , sadržani su u prihvaćenoj ponudi najpovoljnijeg ponuđača od 27.03.2014. godine. Načelnik Općine Jablanica će formirati Komisiju koja će obrađivati zahtjeve i provjeravati uslove na terenu.

Član 4.

Na deponovana sredstva iz ovog Ugovora banka neće plaćati kamatu.

Član 5.

Garancija za povrat sredstava iz odobrenih kredita su deponovana sredstva Općine Jablanica iz člana 3. Ova garancija obuhvata sve odobrene kredite u cijelosti i Općina Jablanica ne može povući deponovana sredstva prije nego se otplate svi korišteni krediti. Plasiranje sredstava po principu revolvinga, umanjiti će se za ukupan iznos kredita kod kojih ima problema sa naplatom , dok se ta potraživanja ne naplate.

Član 6.

Obaveze Banke su da:

- Vršiti finansijsku analizu prijavljenih Projekata ;

- Zaključi Ugovore o kreditu sa Korisnicima kredita;
- Pribaviti kvalitetne instrumente obezbjeđenja povratka kredita;
- Voditi kredit u korištenju i otplati;
- Preuzima mjere za naplatu kredita ;
- Uredno vodi knjigovodstvene evidencije ;
- Vršiti klasifikaciju kredita u skladu sa odlukama Agencije za bankarstvo F BiH;
- Mjesečno dostavlja Općini Jablanica izvještaj o plasmanima i stanju kredita ;
- Na sredstva koja uloži Općina Jablanica , uloži namjenski za formiranje revolving kreditne linije isto toliki iznos u omjeru 1: 1.

Član 7.

Kamata koju plaća Korisnik kredita je prihod Banke.

Na glavnici, kao i obračunatu kamatu ,koji nisu naplaćeni o roku dospjeća , obračunava se i naplaćuje kamata za doznju koja je 50 % veća od ugovorene. Iznos obračunate i naplaćene zatezne kamate knjiži se u korist prihoda Banke.

Član 8.

Ako u vrijeme trajanja ovog Ugovora dođe do promjene vrijednosti domaće valute u odnosu na EUR,preostale obaveze korisnika kredita iskazati će se prema kursu EUR i Korisnik kredita će ih izvršavati do isplate ostatka kredita.

Član 9.

Za sve što nije predviđeno ovim Ugovorom primjenjuju se pozitivni zakonski propisi , pravila bankarskog poslovanja i dobri poslovni običaji.

Član 10.

Raskid Ugovora može zatražiti svaka od strana , a zahtjev se podnosi u pisanoj formi. Podnošenjem zahtjeva za raskid Ugovora prestaje obaveza dodjele novih kredita, a obaveza iz Ugovora prestaju sa danom naplate posljednje rate već odobrenih kredita. Povrat slobodnih deponovanih sredstava Banka će izvršiti u roku od sedam (7) dana od dana podnošenja zahtjeva za raskid ugovora , a ostalih u roku od dva (2) dana od naplate.

Član 11.

Dodjelu kredita vršiti će Komisija od četiri (4) člana od kojih dva (2) člana imenuje Općina Jablanica, a dva (2) člana imenuje Banka. Predsjednik Komisije je član Banke. U slučaju nemogućnosti donošenja jednoglasne Odluke, konačnu odluku donosi Predsjednik Komisije.

Član 12

Eventualni nastali sporovi koji se ne mogu sporazumno riješiti, riješavat će nadležni Sud u Konjicu.

Član 13.

Ovaj Ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

OPĆINA JABLANICA

OPĆINSKI NAČELNIK
Salem Dedić, dipl.ecc.

Broj 01-16-418/14-U-2

Datum: 15.05.2014. godina

VAKUFСКА BANKA D.D. SARAJEVO
POSLOVNICA JABLANICA
DIREKTOR

Jusuf Budim, dipl.ecc.

Broj: 01-229-Op-rev/2014

Datum: 15.05.2014. godine